

07 IANUARIE

**PARACLISUL
SF. PROROC
IOAN
BOTEZĂTORUL,
ÎNAINTEMERGĂTORUL
DOMNULUI**



PARACLISIERUL PE IANUARIE-GG



სავედრებელი პარაკლისი წმიდისა დიდებულისა წინასწარმეტყველისა და წინამორბედისა იოანე ნათლისმცემლის თავისკვეთისა

მღდელმან: კურთხეულ არს-ი.

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაძთა და ყოველთა წმიდათაძთა, შეგზწყალენ ჩუენ, ამინ.

მეუფეო ზეცათაო, ნუგეშინისმცემელო, სულო ჭემმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგზწყალენ ჩუენ (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგზწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგზნდვენ უსჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს. უფალო, შეგზწყალენ (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაჲ შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ

თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღდელომან: რამეთუ შენი არს სუფევად...

გუნდი: ამინ.

უფალო, შეგჳწყალენ (12-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა. (3-გზის)

უფალო, შეისმინე ლოცვისა ჩემისად, ყურად-ილე ვედრებად ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებად ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვიჰსენე დღეთა პირველთაჲდ, და ვიწურთიდ ყოველთა მიმართ საქმეთა შენთა და ქმნულსა ჳელთა შენთასა ვზრახევდ. განვიჰყრენ შენდამი ჳელნი ჩემნი, და სული ჩემი, ვითარცა ქუეყანად ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღჳმესა. მასმინე მე განთიად წყალობად შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდი, რამეთუ შენდამი აღვილე სული ჩემი. მიჰსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვყო ნებად შენი, რამეთუ შენ ხარ ღმერთი ჩემი; სული შენი სახიერი მიძლოდეს მე ქუეყანასა წრფელსა. სახელისა შენისათჳს, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე

მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონაა შენი ვარ.

დიდებაა მამასა და ძესა და წმიდასა სულსა, აწ და მარადის და უკუნითი უკუნისამდე ამინ. ალილოუია, ალილოუია, ალილოუია, დიდებაა შენდა ღმერთო. ალილოუია, ალილოუია, ალილოუია, დიდებაა შენდა ღმერთო. ალილოუია, ალილოუია, ალილოუია, დიდებაა შენდა ღმერთო ჩუენო, დიდებაა შენდა.

ღმერთი უფალი და გამოგზნდა ჩუენ, კურთხეულ არს მომავალი სახელითა უფლისადათა.

მუკლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობაა მისი.

მუკლი 2. ყოველი თესლები გარე მომადგა მე, და სახელითა უფლისადათა ვერეოდე მათ.

მუკლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუკლი 4. ლოდი, რომელი შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვრველ წინაშე თუალთა ჩუენტა.

ტროპარი, ჳმაა 4.

ჳსენებაა მართლისა ქებით აღესრულების, ხოლო შენდა კმა არს წამებაა უფლისაა, წინამორბედო, რამეთუ ჳემმარიტად გამოსჩნდი უდიდებულეს წინასწარმეტყველთა, და რამეთუ ქადაგებულსა მას შენ მიერ, წყალთა შინა ღირს იქმენ ნათლისცემად და იწამე ჳემმარიტებისათვის, და სიხარულით ახარე მყოფთა ჯოჯოხეთისათა ღმერთი, ჳორცითა გამოჩინებული, ამხუმელი ცოდვათა სოფლისათა, რომელი მოგვანიჭებს ჩუენ დიდსა წყალობასა.

დიდება მამასა და ძესა და წმიდასა სულსა.

ტროპარი (იგივე)

აწ და მარადის და უკუნითი უკუნისამდე, ამინ.

არასადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა სადა გვცსნა ჩუენ ესოდენტა ჭირთაგან; ანუ ვინმცა დაგვცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იცსნი სულთა ჩუენტა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უსჯულოებად ჩემი. უფროდს განმბანე მე უსჯულოებისა ჩემისაგან და ცოდვათა ჩემთაგან განმწმიდე მე, რამეთუ უსჯულოებად ჩემი მე უწყი, და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უსჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭემმარიტებად შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობად და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უსჯულოებანი ჩემნი აღვოცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისადათა დამამტკიცე მე. ვასწავლნე უსჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენად ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი

და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღემენენ ზღუდენი იერუსალჴმისანი. მაშინ გთნდეს მსხუერპლი სიმართლისად, შესაწირავი და ყოვლად-დასაწუელი, მაშინ შეიწირენ საკურთხეველსა შენსა ზედა ზუარაკნი.

გალობა 1, უგალობდითსა; ჳმაჲ 4 გუერდი

ძლისპირი: ეტლთა მფლობელი ფარაო დაანთქა საკვრველთმოქმედმან კუერთხმან მოსჴსმან, რომელმან გამოსახა სახჴ ჯუარისად და განუპო ზღუად მეწამული და ისრაელი იჴსნა განმავალი, მეტყუელი გალობასა უფლისასა: რამეთუ დიდებით დიდებულ არს.

წმიდაო დიდებულო წინაღსწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტჴს.

მეუფისად ეგე ახოვანი წინამორბედი ნათლისად, რომელი იმღერდი წიაღსა დედისასა, ქადაგებდი სჯულისა დაცხრომასა და მადლისა დამტკიცებასა და ერსა ასწავებდი მოწევნულისა მისთჴს სასუფეველისა ცათაჲსა.

წმიდაო დიდებულო წინაღსწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტჴს.

სიყრმიტგან ანგელოზთა წესითა მოქალაქობდი რად უდაბნოსა, დიდ იყავ შორის წინაღსწარმეტყუელთა, და ღირს იქმენ ნათლის-ცემად ყოველთა მაცხოვარსა და ღმერთსა, მას ევედრე აწ, მიჴსნეს მე ბოროტთა ვნებათაგან.

წმიდაო დიდებულო წინაღსწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტჴს.

უდაბნოსა ჯორცითა იქცეოდე და პირველვე იწოდე რაჲ ქადაგად სინანულისა, მომწოდებელად ბრალეულთა გამოსჩნდი და გზა-ექმენ ცოდვილთა მიმყვანებელად წინაშე ღმრთისა, მას ევედრე აწ განმამლიეროს მე წინა-აღმდგომთა თვსთა მიმართ და ეშმაკისა.

დიდება მამასა და ძესა და წმიდასა სულსა.

უდაბნოსა აღზრდილმან წინამორბედმან წინა-აუწყა სინანული წარმართთა და ქადაგებდა რაჲ, ქრისტე, ღმრთეებასა შენსა, მოუდრიკე უხრწნელი თავი შენი ნათლისღებად და ცოდვანი სოფლისანი აჰკოცენ, უფალო, დიდებაჲ ძალსა შენსა.

აწდა მარადის და უკუნითი უკუნისამდე, ამინ.

დიდებულნი ითქუნეს შენთვის თესლითი თესლადმდე, ქალწულო, რომელმან შეიწყნარე სიტყვაჲ ღმრთისაჲ წიაღსა შენსა და დაადგერ ქალწულად, ღმრთისმშობელო მარიამ, ამისთვის ყოველნი გადიდებთ, რომელი შემდგომად ღმრთისა მჯსნელად ჩუენდა იპოვე, რამეთუ დიდებით დიდებულ ხარ.

გალობა 3, განმლიერდასა

ძლისპირი: შენ, დამამყარებელო კამარათა ცისათაო, უფალო, და აღმაშენებელო ეკლესიათაო, დამამტკიცენ ჩუენ სიყუარულსა შენსა, თავო ყოვლისა სიხარულისაო, და განმამლიერებელო მორწმუნეთაო, მხოლოო, კაცთ-მოყუარე.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტვს.

შემკულ იყო ჰეროდე სიმდიდრითა მით სამეუფოდთა, ხოლო შენ შეგემოსა რაჲ სტევისაგან აქლემისა, უდაბნოსა მავალი ეგე ამხილებდი და სჯულსა დაუდებდი ძოწეულითა შემოსილსა. აწ ჩუენცა განგვანათლე, წმიდაო, და გვკენ სჯულისაგან უცხოღსა.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვს.

უპოვარ იყავ და არა მჭამელ, და სამეუფოსა მას ტაბლასა ზედა მსხდომარეთა დაადგერ ზედა და სხუათა მბრძანებელსა ესრეთ ეტყოდი: „არა ჯერ-არს შენდა, ძმის-ცოლი თვისი ცოლად გესუა და აწუევდი მეფესა მას, რადთამცა ქალი იგი განეტევა.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვს.

წინა-აღუდგებოდი რად მკლის-მჭამელი ეგე და თაფლისა ველურისად მძლევარსა მეფესა ჰეროდესა და ამხილებდი სათნო-ყოფად ღმრთისა, განრისხნა იგი და უმეტჴსად ჰეროდია, რამეთუ სეხნანი იყვნეს სახელითა და სწორ სამაგელებითა.

დიდება მამასა და ძესა და წმიდასა სულსა.

დაღათუ ეწადა მოკლვად შენი მეფესა, არამედ ეშინოდა ერისა მის, რამეთუ პატივს-გცემდენ ვითარცა წმიდასა წინადაწარმეტყუელსა, და დიდად მოშიშებით ისმენდენ სწავლასა და ქადაგებასაცა შენსა.

აწდა მარადის და უკუნითი უკუნისამდე, ამინ.

დაემკვდრე წიაღსა ქალწულისასა, უფალო, და გამოუჩნდი კაცთა ჴორციელად ვითარცა სათნო იყავ და გამოაჩინე იგი ჴემმარიტად ღმრთისმშობლად, მხოლოო კაცთმოყუარე, და შემწედ ყოველთა მორწმუნეთა.

მიჯსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვვლტით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადექებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელომან: შეგჳწყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგჳწყალენ.

გუნდი: უფალო, შეგჳწყალენ (3-გზის).

მღდელომან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტჳსმოყუარისა მთავრობისა და მჯედრობისა მისისათჳს).

გუნდი: უფალო, შეგჳწყალენ (3-გზის).

მღდელომან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა და ბიჳვინთისა და ცხუმ-აფხაზეთის მიტროპოლიტისა, დიდისა მეუფისა, მამისა ჩუენისა ილიასათჳს, და ყოვლაღუსამღდელოესისა (აქა მოიხსენეთ ადგილობრივი მღდელოთმთავარი), და ყოველთა ქრისტჳს მიერ ძმათა ჩუენთათჳს.

გუნდი: უფალო, შეგჳწყალენ (3-გზის).

მღდელომან: მერმეცა ვევედრნეთ უფალსა ღმერთსა ჩუენსა, რაღთა შეიწყალოს მონა ანუ მჯევალი (აქა მოიხსენეთ სახელდებით ისინი, ვისთვისაც ვევედრებით).

გუნდი: უფალო, შეგჳწყალენ (3-გზის).

მღდელომან: განამრავლენ, უფალო, ჟამნი და წელნი ცხორებისა მათისანი და იკსენ იგინი, უფალო, ყოვლისაგან ჳირისა, რისხვისა და იწროებისა, და ყოვლისაგან წყლულებისა სულისა და ჯორცთაღსა და

მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჳწყალენ (3-გზის).

მღდელომან: მერმეცა გევედრებით ყოველთა მართლმადიდებელთა ქრისტეანეთათჳს.

გუნდი: უფალო, შეგჳწყალენ. (3-გზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაგლონთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომა, ჳმაჲ 4.

რაჳამს ძედ დგომილ იყო ელისაბედ შემდგომად სიბერისა, აღვიდა მარიამ მოკითხვად მისა, მაშინ აიმღერნა იოანე სიხარულით მუცელსა შინა დედისა თჳსისასა, რამეთუ ხედვიდა ღმერთსა ჳორცთშესხმულსა წიაღსა შინა ქალწულისასა. და იწყო ქადაგებად ღმრთისა ქუეყანად გარდამოსლვისა პირითა დედისაჲთა, ხოლო სულისა წმიდისა მიერ უწოდეს რაჲ მშობელთა მისთა სახელი იოვანე, რომლითა დაჳსნდა დადუმებაჲ ზაქარიადსი, იწყო აღსრულებად ათთა მცნებათა პირველისა სჯულისათა და ცხრათა ნეტარებათა ახლისა აღთქუმისათა, და ექმნა დასაბამ განშორებულთა და სახლჳ კეთილისაჲ - მონაზონთა, და ყოველთა მოუწოდდა რაჲ სინანულად, ეტყოდა ერსა: განმზადენით გზანი უფლისანი. აჳა მოვალს, რომლისათჳსცა ვიტყოდე დიდებასა და ქებასა.

დიდება მამასა და ძესა და წმიდასა სულსა

წინამორბედისა შენისა, მქადაგებელისა ღმრთისა სიტყვსა დაყენებას ჰგონებდა ბოროტი იგი, რომელმან კელითა დედაკაცისადათა პირველშექმნული იგი სამოთხით განჯადა, და მანვე აწ ჰეროდიადა ურჯულოებით აღატყინა ეროდწს თანა, როკვად იგი ქალისაჲ მის სათნო-უყო, რადთა მოეკუეთოს თავი, რომელმან ყოველთა უფალსა ქრისტესა კელი დასდვა, რამეთუ უმეცარ ქმნა უცვალებელისა მის ჩუენისა ჳსნისა საიდუმლოჲ. არამედ შენ, უდაბნოს ღაღადებისა ჳმამან, ღაღატ-ყავ, რომელსა კელი დასდეგ მონიჭებად მშჳდობაჲ და დიდი წყალობაჲ.

აწდა მარადის და უკუნითი უკუნისამდე, ამინ.

შენ, უქორწინებელო და ყოვლად წმიდაო ქალწულო, ითხოვე მისგან, რომელი შენგან ჳორციელ იქმნა, დედოფალო, რადთა მოსცეს ძლევაჲ ერსა ჩუენსა მორწმუნესა წარმართთა მიმართ და მწვალებელთა, და ჳსნაჲ უღლისაგან მტერთაჲსა, ხოლო მართლალსარებითა დამტკიცებული ეკლესიაჲ დაიცვას შეუძრველად.

გალობა 4, უფალო, მესმასა

ძლისპირი: ამხედრდი ეტლთა მოციქულთა შენთასა, უფალო, და აღვირნი მათნი ძლიერად კელთ ისხენ, მჳედრობაჲ შენი ცხორებაჲ არს მორწმუნეთა, რომელნი ღაღადებენ: დიდებაჲ ძალსა შენსა, უფალო.

წმიდაო დიდებულო წინაღსწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

ნათლისა ჳემმარიტისა ქადაგო წინამორბედო, დაუცხრომელად ამხილებდი რაჲ მეფესა უსჯულოთა საქმეთათჳს, შეგიპყრა და შეგსვა დილეგსა, გარნა არცა საპყრობილედ დაიდუმნე და კადნიერად ეტყოდი: განიშორე მეულლწ ეგე შენი უკეთურებისაჲ.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

დედისა მიერ ბილწისა ნაშობი, ყოვლად ბოროტი, მის მიერ წარივლინა უსჯულოდსა ჰეროდეს შობისა ვსენებასა, რადთა როკვითა მოსთხოვოს მას თავი იგი პატიოსანი, რომელმანცა სარცხენელი იგი საწოლი მათი ამხილა.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

მას ჟამსა შევიდა ბილწი ჰეროდია, ასული ჰეროდიადადსი, სერსა მას სისხლის-მსმელსა და ხედვიდა ჰეროდე ასულს მას ძმისა თჳსისასა წინაშე მათსა მროკვალსა და არა ჰრცხუენოდა, არამედ როკვად მისი სთნდა შეღჳნებულსა.

დიდება მამასა და ძესა და წმიდასა სულსა.

ასული დედისა მის ურცხნოდსა და წარმწყმედელი სულისა და ჯორცთად როკვისა ფასად გამოითხოვს ჰეროდესგან თავსა შენსა ლანკნითა, ხოლო მან მიზეზ სიკუდილისა ფიცი ყო და მოგკუეთა რად თავი, აღასრულა თხოვად ბილწისა მის ძმისწულისა.

აწდა მარადის და უკუნითი უკუნისამდე, ამინ.

ენანი კაცთანი მოუძღურდებიან გამოთქუმად საიდუმლოდსა შობისა შენისასა უბიწოებით, უქორწინებელო სძალო, ხოლო სარწმუნოებით აღგიარებენ დედად ნათლისა.

გალობა 5, ღამითგანსა

ძლისპირი: ნუ სადა განმიშორენ პირისაგან შენისა, ნათელო წარუვალო, და დამფარა მე ბნელმან წყუდიადისამან განუნათლებელმან, არამედ მომხედენ და ნათელსა მცნებათა შენთასა წარჰმართე სლვად ჩემი, გევედრები.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

ჟ, სიბრმეჳ ჰეროდესი, რომელმან შეურაცხ-ყო მცნებად ღმრთისად, დასძინა სიძვასა კაცისკვლად, და წმიდად თავი შენი წარკვეთილი და მწთოლვარე სისხლითა, ვითარცა ჭამადი დაგებული მისცა ქალსა მას შეგინებულსა ლანკნითა.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

არავე დასცხრა დიდი ქადაგი ქრისტეს მოსლვისად ღმრთისმეტყველი ნეტარი, შემდგომად სიკუდილისაცა განქიქებასა და ჳმობდა: „არა ჯერ არს, რადთამცა იმრუშე ძმის ცოლისა შენისა თანა, ბილწო, რამეთუ გაყენებს წესი სჯულისად“.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

სიძვასა დამონებულმან ჰეროდე მოგკლა რად მახვილითა, პატიოსანი გვამი შენი შემურა გუნდმან მოწაფეთა შენთამან და ვითარცა ღვაწლისა მძლე და ჳემმარტი მოწამე, საფლავსა შინა დადვა ნელსაცხებელითა სულნელითა.

დიდება მამასა და ძესა და წმიდასა სულსა.

ჟ, წმიდაო წინამორბედო და ქადაგო სინანულისაო, აჩუენე ჩემზედა წყალობად შენი და მოავლინე ჩემზედა მადლისაგან შენისა და განზანენ ვნებანი სულისა ჩემისანი და ღმობიერ-ყავ ფიცხელი გული ჩემი, რადთა დავსთხივნე ცრემლნი და განვიბანო ცოდვად.

აწდა მარადის და უკუნითი უკუნისამდე, ამინ.

კადნიერებად დედობრივი ძისა შენისა თანა მოგიგიეს, ყოვლად უბიწოო, შეწევნასა ჩუენსა ნუ დააცადებ მისსა მიმართ, გევედრებით,

რამეთუ გაქუს შენ მისა მიმართ მეოხებად და მოტევება ცოდვათა ყოველთა ქრისტეანეთა.

გალობა 6, ღაღადყავსა

ძლისპირი: მომიტევენ, სახიერ, აურაცხელნი ცოდვანი ჩემნი, რომელთათვის გიჳმობ შენ: მიჳსენ მე ბოროტთაგან, შენდა მომართ ვღაღადებ: ისმინე ჩემი, ღმერთო, მაცხოვარო ჩემო.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვს.

ჟ, საშინელი იგი ხილვად, რამეთუ ასპიტსა მას, ნაშობსა იქედნისასა მოაქუს ღანკნითა თავი შენი, რომლისაგან ძრწიან ეშმაკთა გუნდნი და პატივს სცემენ ზეცისა მჳდრობანი.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვს.

გვამი შენი დაიდვა რად საფლავსა, სულითა წარივლინე ჯოჯოხეთსა და ჰყრობილთა მისთა პირველვე უქადაგე მოსლვად მზისა სიმართლისად - ქრისტჳს მეუფისა ჩუენისად - მხოლოდსა მრავალმოწყალისა.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვს.

ჳმად ღაღადებისად მათთა და ხევთა მავალისა მის უდაბნოდსა მკჳდრისა თავისა მოკვეთითა მიიწია ბჳეთა ჯოჯოხეთისათა და ღაღად-ყო ძლიერად: „აღახუენით ბჳენი თქუენნი, მეკარეთა მთავარნო, რამეთუ შემოვალს ქრისტე - მეუფჳ დიდებისად“.

დიდება მამასა და ძესა და წმიდასა სულსა.

იწოდე რაჲ წინამსრბოლ, ქადაგ და ნათლისმცემელ ქრისტჳს ღმრთისა, თავის მოკვეთითა იქმენ წინამსრბოლ მისისა ჯოჯობხეთად შთასლვისა და მუნ მყოფთა ახარე შთასლვაჲ მჴსნელისაჲ მაცხოვრად მათდა.

აწდა მარადის და უკუნითი უკუნისამდე, ამინ.

განვერენით საცთურსა ცოდვათა ჩუენთასა, ვედრებითა შენითა, ღმრთისმშობელო ქალწულო, მისა შენისა მიმართ, რომელი იშვა შენგან უზესთაეს ბუნებათა, ძჳ ღმრთისაჲ დაუსაბამოდ.

მიჴსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოკვლტით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებულო ღმრთისმშობელო, და ჳორცთა ჩუენთა წყლულებანი ბოროტნი განჳკურნენ და სულისა ჩუენისა სნეულებანი.

კონდაკი

წინა-მორბედისა დიდებულისა თავის კუეთა, განგებულებაჲ იქმნა საღმრთო, რაჲთამცა მყოფთა ჯოჯობხეთისათა უქადაგოს მისლვაჲ მაცხოვრისა; გოდებდინ აწ ჳეროდია უსჯულოდსა მისთჳს მკულელობისა, რამეთუ არა შეიყუარა სჯული ღმრთისა ცხოველისა, არცა სუფევაჲ საუკუნო, არამედ საწუთოდ ესე ამაო.

იკოსი

ჳეროდეს შობისა დღენი ყოველთა წინაშე იქმნნეს არა წმიდაჲ, რამეთუ შორის მოსმურთა თავი იგი მმარხველისაჲ ვითარცა ჳამადი დაეგო, და სიხარული განიზავა მწუხარებითა, რამეთუ თავი ნათლისმცემელისაჲ ლანკანსა ზედა მდებარე წინაშე ყოველთასა

შემოვიდა, ვითარცა იგი ითხოვა ქალმან მან უკეთურმან და გლოვად და მწუხარებად დაეცა მათ ყოველთა ზედა, რომელნი ინახით სდგეს მეფითურთ, რამეთუ არა ახარა მათ, არცა თვით ჰეროდეს, ვითარცა წერილ არს, ვითარმედ შეწუხნა წუხილითა არა ჭემმარიტითა, ვითარცა საწუთოთა ამაოთა და წუთ ერთითა.

მღდელომან: მოხედენ, სიბრძნით. წარდგომა კმაღ 4

პატიოსან-არს წინაშე უფლისა სიკუდილი წმიდათა მისთა.

მუხლი: რად მივაგო უფალსა ყოვლისავეთვს, რომელი ესე მომაგო მე?

მღდელომან: უფლისა მიმართ ვილოცოთ.

გუნდი: უფალო, შეგვწყალოენ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაავლენთ, მამისა, და ძისა და წმიდისა სულისა, აწ და მარადის, და უკუნითი უკუნისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელომან: ღირს-ყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგვწყალოენ (3-გ ზის).

მღდელომან: სიბრძნით აღემართენით და ისმინეთ წმიდა სახარება, მშუდობად ყოველთა.

გუნდი: და სულისაგა შენისათანა.

მღდელომან: მათესაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელომან: მოხედენ.

სახარება მათესი

მას ჟამსა შინა ესმა ჰეროდეს, ოთხთა მათ სამთავროთა მთავარსა, ჰამბავი იესუმსი, და ჰრქუა მონათა თვსთა: ესე არს იოვანე ნათლისმცემელი, იგი აღდგომილ არს მკუდრეთით, და მისთვის იქმნებიან ძალნი ესე მის თანა. რამეთუ ამან ჰეროდე შეიპყრა იოვანე და შებორკილა იგი და საპყრობილესა შეაყენა ჰეროდიადსთვის, ცოლისა ფილიპეს, ძმისა თვსისა. რამეთუ ეტყოდა მას იოვანე, ვითარმედ: არა ჯერ-არს შენდა, ვითარმცა გესუა იგი ცოლად. და უნდა ღათუ მისი მოკლვად, არამედ ეშინოდა ერისა მის, რამეთუ ვითარცა წინაწარმეტყუელი ეპყრა მათ იგი. და ვითარცა შობისა დღენი იყვნეს ჰეროდესნი, როკვიდა ასული ჰეროდიადსი შორის, და სთნდა ჰეროდეს როკვად იგი მისი. რომლისათვს ფიცით აღუთქუა მას მიცემად, რადცა ითხოვოს. ხოლო იგი წინადსწარ ბირებულ იყო დედისაგან თვსისა და ჰრქუა: მომეც მე აქა ლანკნითა თავი იოვანესი, ნათლისმცემელისად. და შე-ღაგე-წუხნა მეფე იგი, არამედ ფიცისა მისთვის და მის თანა მეინაჯეთა ბრძანა მიცემად იგი მას. და მიავლინა იგი და მოჰკუეთა თავი იოვანესი საპყრობილესა შინა. და მოართუეს თავი მისი ლანკნითა და მისცეს ქალსა მას, და მან მიართუა დედასა თვსსა. და მოვიდეს მოწაფენი მისნი და წარიდეს გუამი მისი და დაჰფლეს იგი და მოვიდეს და უთხრეს იესუს. ესმა რად ესე იესუს, განეშორა მიერ ნავითა და წარვიდა უდაბნოსა აღგილსა თვსაგან. და ვითარცა ესმა ერსა მას, მისდევდეს მას მკვრცხლ ქალაქებისაგან. და გამოვიდა იესუ და იხილა ერი მრავალი და შეეწყალნეს იგინი და განკურნა სნეულნი მათნი.

დიდება მამასა და ძესა და წმიდასა სულსა.

მეოხებითა წმიდისა იოანე ნათლისმცემელისადათა მოწყალეო,
აღვოცენ ცოდვათა ჩუენთა სიმრავლენი.

აწღა მარადის და უკუნითი უკუნისამდე, ამინ.

მეოხებითა წმიდისა ღმთისმშობელისადათა, მოწყალეო, აღვოცენ
ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა, და მრავლითა
მოწყალებითა შენითა აღვოცენ უსჯულოებაჲ ჩემი და შემიწყალე მე,
ღმერთო.

ქადაგი ჭემმარტი და გურიტი უდაბნოდსა, წინამორბედი შენი და
ნათლისმცემელი იოანე, რომლისა შენ ჰსთქუ უმეტესობაჲ, ქრისტე,
გევედრების და ითხოვს ერისათვის მორწმუნისა მშვედობასა,
რომელნი ადიდებენ ვსენებასა მისსა, რადთა მეოხებითა მისითა
მოჰმადლო ეკლესიათა დიდებაჲ, ქრისტეანეთა ერთა უვნებელობაჲ
და სულთა ჩუენთა დიდი წყალობაჲ.

*მღდელომან: აცხოვნე, ღმერთო, ერი შენი, და აკურთხე სამკვდრებელი
შენი, მოხედენ სოფელსა შენსა წყალობითა და მოწყალებითა,
აღამაღლე რქაჲ ქრისტეანეთა მართლმადიდებელთაჲ, და
გარდამოავლინენ ჩუენ ზედა მდიდარნი წყალობანი შენნი,
მეოხებითა ყოვლადწმიდისა დედოფლისა ჩუენისა
ღმრთისმშობელისა, და მარადის ქალწულისა მარიამისადათა,
ძლიერებითა პატიოსნისა და ცხოველსმყოფელისა ჯუარისადათა,
ძლიერებითა ჯუარისა ვაზისადათა; მეოხებითა პატიოსანთა
უსხეულოთა ზეცისა ძალთადათა, წმიდისა წინადასწარმეტყუელისა
ილია თეზბიტელისა და მართლისა ენუქისითა, წმიდათა
დიდებულთა, და ყოვლად-ქებულთა მოციქულთა თავთა, პეტრესა
და პავლესითა, წმიდისა მოციქულისა თომასი და საქართველოს
განმანათლებელთა მოციქულთა: ანდრია პირველწოდებულისა,*

სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, წმიდათა მოციქულთა სწორთა: მეფისა მირიანისა და დედოფლისა ნანადსითა; წმიდათა შორის მამათა ჩუენთა, და მსოფლიოთა დიდთა მოძღუართა და მღდელთმთავართა, ბასილი დიდისა, გრიგოლი ღმრთისმეტყუელისა, და იოვანე ოქროპირისადათა, წმიდათა შორის მამისა ჩუენისა ნიკოლოზ მრონლუკის მთავარეპისკოპოსისა და საკვრველთმოქმედისადათა და წმიდათა დიდებულთა და ლუაწლისა-მძლეეთა მოწამეთა: წმიდისა მთავარმოწამისა ძლევაშემოსილისა გიორგისა და წმიდათა დიდთა ქალწულ-მოწამეთა ბარბარწსა და მარინწსითა; წმიდისა მღდელ-მოწამისა ნეოფიტე ურბნელისა და წმიდისა დიდისა მოწამისა აბო ტფილელისადათა; წმიდათა დიდებულთა მოწამეთა არგვეთისა მთავართა დავით და კონსტანტინწსა; წმიდისა მოწამისა შალვა ახალციხელისა და წმიდათა ათთა-ბევრთა მოწამეთა, ტფილისს ხუარაზმელთაგან მოწყუედილთადათა; წმიდისა ღირსისა მამისა ჩუენისა იოანე ზედაზნელისა და ათორმეტთა მისთა მოწაფეთა, მეორედ განმანათლებელთა საქართველოს ეკლესიისა და მარად მფარველთა მისთა, და მოწაფეთა შორის ღირსისა მამისა ჩვენისა დავით გარეჯელისადათა; წმიდათა სანატრელთა მამათა ჩუენთა: ლუკიანე, დოდო, დამიანე, ონოფრე და სვმეონ გარეჯელთა და წმიდათა მოწამეთ ექვსი ათასთა გარეჯელთა ბერთა; ღმრთივ-განბრძნობილთა ნეტართა მამათა: ილარიონ ქართველისა, სერაპიონ ზარზმელისა, გრიგოლ ხანძთელისა და სერგი რადონეჟელისადათა; ღირსთა მამათა ჩუენთა ათონელთა: იოანესი, გაბრიელისა, იოანე-თორნიკისა, ეფთჳმისა და გიორგისადათა; წმიდათა კეთილ-მორწმუნეთა და დიდთა მეფეთა ჩუენთა: ვახტანგ გორგასალისა, აშოტ კურაპალატისა, დავით აღმაშენებელისა და სოლომონისადათა; წმიდისა და კეთილმსახურისა მეფისა თამარისითა, წმიდათა კეთილად მძლეეთა მეფეთა და დედოფალთა: არჩილ, დემეტრე, შუშანიკ, ქეთევან და ლუარსაბისადათა; წმიდისა ილია მართლისადათა; წმიდათა და მართალთა მშობელთა

ღმრთისმშობელისა იოაკიმ და ანნადსითა, და პატიოსნისა, დიდებულისა, წინადაწარმეტყუელისა, წინამორბედისა და ნათლისმცემელისა იოანესითა, და ყოველთა წმიდათა შენთადათა, გვედრებით შენ, მრავალმოწყალეო ღმერთო, შეისმინე ჩუენ ცოდვილთა ვედრებაჲ, და შეგვწყალებ ჩუენ.

გუნდი: უფალო, შეგვწყალებ (12-გზის).

მღდელომან: წყალობითა და მოწყალებითა და კაცთმოყუარებითა მხოლოდშობილისა ძისა შენისადათა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსმყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: ღმრთისა გარდამოსლვასა ოდესმე ბაბილონს ცეცხლი მეოტ-იქმნა, რომელსა სამნი ყრმანი საჯუმელსა მას შინა ვარდსა ფერჯითა სტკეზნიდეს და განწყობილნი გალობდეს: „მამათა ჩუენტა ღმერთო, კურთხეულ ხარ შენ“.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტვს.

მოქალაქობაჲ ანგელოზებრი აღასრულე ქუეყანასა ზედა და ქადაგებდი და ეტყოდი ერსა: „განმზადენით გზანი უფლისანი. აჰა მოვალს, რომლისათვსცა ვიტყოდე: „აკურთხევდით ყოველნი საქმენი უფლისანი უფალსა“.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენტვს.

არა ხოლო თუ უდაბნოსა, არამედ წინაშე მეფეთაცა არა დასცხრებოდი უსჯულოებისა მხილებასა, და სულითა მარადის

ქრისტეს თანა გალობდი: „აკურთხევდით ყოველნი საქმენი უფლისანი უფალსა.“

წმიდაო დიდებული წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვის.

წმად ღალადებისად უდაბნოს - წინამორბედი შენი არა ხოლო თუ განმზადებად გზათა შენთა, არამედ აუწყებდა დამარხვად სამართალთა შენთა, ქრისტე, რადსთვსცა ურჯულომან ჰეროდე დასთხია უბიწოდ სისხლი უდაბნოდსა მოქალაქისა, იოანე მართლისა.

დიდება მამასა და ძესა და წმიდასა სულსა.

იყო სიტყუად ღმრთისად შენდა მომართ, წინამორბედო, და მახარებელად მოივლინე: კრულთა განჯსნისა, ტყვეთა განტევებისა და ბრმათა აღხილვისა, მკუდართა აღდგომისა და ცხორებისა საუკუნოდსა, აწ ჩუენცა აღგვისრულე თხოვად გულისა ჩუენისად.

აწდა მარადის და უკუნითი უკუნისამდე, ამინ.

სახლ გექმნა, ქალწულო, მაყვალი მგზებარლ და არაშემწუარი, რამეთუ დაიტე ცეცხლი მგზებარლ წიაღსა შენსა, და არა შევუ მისგან, რომელმან დაწვა მტერისა საცთურნი და მოგვანიქა ცხორებად საუკუნოდ.

გალობა 8, აკურთხევდითსა

ძლისპირი: შვიდ-წილ აღაგზნა საჯუმილი მძლავრმან ქალდეველმან ყრმათათვს გულისწყრომით, რისხვითა ძალითა ძალლისადთა იხილნა უვნებელად დაცულნი ცეცხლისაგან განურყუნელად, დამზადებელისა მიმართ და მჯსნელისა ღალად-ყო: „აკურთხევდით ყრმანი და მღდელნი უგალობდით, ერნი უფროსად აძალლებდით მას უკუნისამდე“.

წმიდაო დიდებული წინააღმართეცუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

ენანი ბრძენთა და შემსხმელთანი ვერ შემძლებელ არიან ქებად შენდა, რამეთუ ქრისტემან წამა შენთჳს, წინამორბედო, ვითარმედ უფროდ ხარ წინააღმართეცუელთა და მოციქულთა, და მართალთა და მარტულთა გუნდთა, ვითარცა ნათლისმცემელი და ქადაგი მისი, იოანე ყოვლად ქებულიო.

წმიდაო დიდებული წინააღმართეცუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

იქმენ მობაძავ ელიადსსა, ნეტარო, და მოხვედ რად ძალითა და სულითა მისითა, სიმშვიდესა მოსესსა მიემსგავსე და სიწმიდესა წინააღმართეცუელთასა, და გამოსჩნდი უფროდ მათსა, იოანე, ანგელოზად იწოდე და მოციქულად და მღდელად და მოწამედ და ღმრთისმეტყველად და წინააღმართეცუელად.

წმიდაო დიდებული წინააღმართეცუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

ჭეშმარიტად გამოსჩნდი შენ ზეცისა კაცად და ანგელოზად ქუეყანისა, ქადაგო ღმრთისაო იოანე, დიდებულიო, და იქმენ მეგობარ სიძისა მის უკუდავისა, ამისთჳსცა იდიდე მის მიერ და ღირს იქმენ რად სუფევად წინაშე მისსა, მარადის კრებულსა თანა ზეცისა ძალთასა ღმრთივბრწყინვალედ შესწირავ წმიდასა გალობასა

დიდება მამასა და ძესა და წმიდასა სულსა.

უჯორცოთა კრებულსა, ადგილთა მათ სიწმიდისათა, და მოუგონებელთა კაცთაგან დიდებასა და თუალით უხილავთა მათ კეთილთა მიიწიე, ქადაგო მაცხოვრისაო, და პირისპირ განიცდი ყოვლად წმიდასა სამებასა, მოგვკსენე წინაშე მისსა, რადთა დამიფარნეს ყოველთა ურვათაგან, სენთა და სალმობათაგან.

აწდა მარადის და უკუნითი უკუნისამდე, ამინ.

ღმრთეებასა სამებასა ერთარსებასა დიდებულსა, არსებით მიუწვდომელსა სამგვამოვნებასა, მამასა უშობელსა და მშობელსა, მესა შობილსა დაუსაბამოსა, და სულსა წმიდასა თანაარსსა სამარადისოსა აკურთხევდით ყრმანი და მღდელნი უგალობდით, ერნი უფროდსად ამაღლებდით მას უკუნისამდე.

გალობა 9, ადიდებდითსა

ძლისპირი: შეძრწუნდეს დაბადებულნი გარდამოსლვასა ღმრთისა გამოუთქუმელისასა, ვითარ მაღალი იგი ნებსით თვსით განჯორციელებად გარდამოჴდა საშოსა ქალწულისასა და განკაცნა უქცეველად სიმდაბლით, ამისთვის მორწმუნენი ღმრთისმშობელსა უბიწოსა გალობით ვადიდებდეთ.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვის.

ანგელოზებრ აღასრულე რად შრომად შენი, დიდო წინამორბედო უფროდს ნაშობთა შორის დედათადასა იოანე, ქრისტესა ქადაგებდი და ერი მოაქციე საცთურისაგან დიდებად სამებისა ერთარსებასა, მას ევედრე აწ, რადთა ჩუენცა გჴკსნეს ყოვლისაგან ჴირისა და ბოროტისა.

წმიდაო დიდებულო წინაღწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთვის.

ვითარცა ხარ მწოდებელი სინანულად, ჴმაო სიტყვსაო და მეგობარო სიძისაო, მოგუმადლე სინანული და ლმობიერ ყვენ გონებანი ჩუენი, იოანე, და წარგვიძელუ გზასა საღმრთოთა მცნებათსა და გვითხოვე შენდობად ურიცხვთა ცოდვათა ჩუენთა, რომელნი გიგალობთ შენ და გევედრებით დაუცხრომელად.

წმიდაო დიდებულო წინადაწარმეტყუელო, წინამორბედო და ნათლისმცემელო იოანე, ევედრე ღმერთსა ჩუენთჳს.

მოციქულთა განწყობილსა და წინადაწარმეტყველთასა, და კრებულსა მღდელთმოდღვართასა, მარტვილთა და მართალთასა უზესთაეს იქმენ შენ სიწმიდისა დამნერგველი და მუშაკი ეგე მარხვისაჲ, ვითარცა წამა შენთჳს ქრისტემან მეუფემან, რომელმან ღირსად ადიდა საჯსენებელი შენი, ვითარცა წინამორბედისა თჳსისაჲ.

დიდება მამასა და ძესა და წმიდასა სულსა.

ვინ არა გნატრიდეს, ქრისტეს წინამორბედო, ანუ ვინ არა აქებდეს საჯსენებელსა შენსა, რომელსა შინა კრებულ არიან სულეები მართალთაჲ და დედაჲ ღმრთისა, მას ევედრე აწ, ღირსო, რადთა გჯკსნნეს წილხვედრნი თჳსნი ეშმაკისა მაჯეთაგან და ბოროტისა მის ანტიქრისტეს საცთურისაგან და ბრძოლისა.

აწდა მარადის და უკუნითი უკუნისამდე, ამინ.

გარდაცუ მშვილდსა შენსა, ძლიერო, წარემართე და სუფევდ რომელი იშვდ ქალწულისაგან და მოეც ძლევად ერსა ჩუენსა მტერთა და მაჭირველთა ზედა და ზრახვად კეთილისაჲ მართლმადიდებლობით დაცვისათჳს მცნებათა შენთა, მეოხებითა დიდებულისა წინამორბედისა შენისაჲთა და დედისა შენისა ღმრთისმშობელისაჲთა.

ღირს არს ჭეშმარიტად, რადთა გადიდებდეთ, შენ, ღმრთისმშობელო, რომელი მარადის სანატრელ იქმნენ, ყოვლადუბიწოდ და დედად ღმრთისა ჩუენისა, უპატოსნესსა ქერუბიმთასა და აღმატებით უზესთაესსა სერაფიმთასა, განუზრწნელად მშობელსა სიტყჳსა ღმრთისაჲსა, მხოლოსა ღმრთისმშობელსა გალობით გადიდებთ.

მღდელი აკმევს; მკითხველი ან ერისკაცი კითხულობს

კურთხეულ არს უფალი ღმერთი ისრაელისაჲ, რამეთუ გამოაჩინა მალითა და სულითა ელიადსითა წინამორბედი იოვანე და უწოდა მას უფროდს წინადაწარმეტყუელთა და მოციქულთა, რომელმან ენითა მით ღმრთისმეტყუელითა უდაბნოს ჳმა-ყო სინანული ცხორებისაჲ და გუახარა განბანაჲ სულითა და ცეცხლითა.

ღირსად ადიდე, უფალო, წინამორბედი შენი, რამეთუ ღირსი მსახურებაჲ განგებულებისა ღმრთეებისა შენისაჲ სიწმიდითა აღასრულა. სიმართლისათჳს საპყრობილესა შინა ძჳრის-ხილვაჲ თავს-იდვა, ჳქეშმარიტებისათჳს თავის მოკუეთაჲ მოიღო, სულნელებითა სოფელი აღავსო, სიწმიდითა ეკლესიანი შეამკვნა, ამისთჳსცა შენ წინაშე მარადის იხარებს და მეოხ არს დაუცხრომელად სულთა ჩუენთათჳს.

წინადაწარმეტყველსა და მჳნესა მარტვილსა და ქრისტეს მაცხოვრისა ნათლისმცემელსა მოვედით შევასხმიდეთ, ქრისტეს სამწყსონო, რომელმან უდაბნოდ მარხვითა განაპოხა და მეფესა ამხილა, ხოლო ჩუენსა სულმოკლებასა ტკბილად ასწავებდა და ჳმოდღურიდა: შეინანეთ, რამეთუ მოახლოებულ არს სასუფეველი ცათაჲ.

ვითარცა ცისკარი განთიადისაჲ და ვითარცა ვასკულავი დღისაჲ, წინაღთვე წარუძელ შენ ნათლად წინაშე პირსა მისსა და უდაბნოს ერსა უქადაგე რაჲ დამბადებელი, ჳ, წინამორბედო, ქადაგო ქრისტჳსო, უწოდე კრავად ამხუმელად ცოდვათა სოფლისათა, ხოლო საღმრთოდსა შურისათჳს ამხილე რაჲ მეფესა, მიითუალე დიდებულისა თავისა შენისა წარკვეთაჲ, და ყოველთა ქრისტეანეთა გუექმენ მფარველად და მცველად მიურულებელად.

რომელი ნათლისმცემელად ღირს იქმენ, წინამორბედო, ქრისტჳს, ცხორების მომცემელისა სულთა ჩუენთაჲსა, და ჯოჯოხეთისა მყოფთა უქადაგე დიდებაჲ და ცხორებაჲ, საფარველითა მადლისა

შენისადთა გარემომზღუდენ ყოვლისაგან ბოროტისა და უვნებელად დაიცევ ერი ჩუენი და ყოველნი ქალაქნი და სოფელნი ივერიისანი ზედა დასხმისაგან მძვნვარისა მტერისა.

უხრწნელნი ნაწილნი შენნი, ჟ, ნათლისმცემლო, უშურველად აღმოაცენებს მადლსა ჭეშმარიტსა და წყალობასა, და ყოველთა აღადგინებს დიდებად ღმრთისა, რომელმან-იგი სამართლად გადიდა წინამორბედი თვისი, ვითარცა დასაბამი მადლისა და დასასრული სჯულისა და წინადაწარმეტყველთა და საკვრველთმოქმედებითა და ნიშთა სიმრავლითა პატივ-გცა.

მრწიან ძალნი ბნელისანი და ივლტიან ვნებანი კაცთა მორწმუნეთანი, მადლისა მიერ ღმრთისა, რომელი მოგეცა შენ, ჟ, ქრისტეს წინამორბედო, ნეტარო, არამედ ორთავე ამათ განსაცდელისაგან ერი ჩუენი დაიცევ და ქადაგებათა მათ შენთა და სჯულთა და მოძღურებათა კლდესა მტკიცესა დაგვამტკიცენ, რადთა პატივისმცემელნი შენნი მყუდროდ და უშფოთველად ღმერთსა ვადიდებდეთ.

ჟ, სასოო და სიქადულო, დედოფლო ჩუენო ღმრთისმშობელო! გარდამოიხილე ჩუენ ზედა, გუაკურთხენ სარწმუნოებითა შევრდომილნი დედობრივსა მას შენსა მადლსა და შეწევნასა და განგუანათლენ ოხითა წინადაწარმეტყუელისა იოანწსითა, რადთა მარადის მართლმადიდებლობითა ვადიდებდეთ სამებასა ერთარსებასა:

წმიდაო ღმერთო, წმიდაო ძლიერო, წმიდაო უკუდაო, შეგჳწყალენ ჩუენ (3-გზის).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგჳწყალენ ჩუენ; უფალო, გჳჳსენ და გჳლხინე ცოდვათა ჩუენთაგან; მეუფეო, შეგჳნდვენ უსჯულოებანი

ჩუენნი; წმიდაო, მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგჳწყალენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღღელმან: რამეთუ შენი არს სუფევად...

გუნდი: ამინ.

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყჳს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ. დიდებაჲ...

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩუენ ფრიად, და ნუცა მოიჰსენებ უსჯულოებათა ჩუენთა, არამედ მოიხილე ჩუენზედა წყალობით, ვითარცა სახიერ ხარ, და გჳკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ჳელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ. აწდა...

მოწყალეებისა კარი განგჳლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ

წინააღმდეგომთა მტერთაგან, რამეთუ შენ ხარ ცხორებად ნათესავისა ქრისტეანეთასა.

მღდელომან: შეგვწყალონ ჩუენ, ღმერთო, დიდითა წყალობითა შენითა, გევედრებით, ისმინე და შეგვწყალონ.

გუნდი: უფალო, შეგვწყალონ (3-გ ზის).

მღდელომან: მერმეცა გევედრებით, წყალობისა, სიცოცხლისა, მშვიდობისა, სიმრთელისა, დღეგრძელობისა, ცხორებისა, განათლებისა, მოტევებისა, კეთილად წარმართებისა და მყუდროებისა მონათა (ანუ მკვევართა) ღმრთისადათა და ყოველთა მშლთა ჩუენისა ეკლესიისადათა, რადთა დაიცვას უფალომან ღმერთმან ჩუენმან სამეუფოდ ქალაქი ესე ჩუენი და წმიდად ესე ეკლესიად და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახზლისა, უცხო-თესლთა ზედა მოსლვსაგან, ბრძოლისა და სიკუდიდმემოსილისა წყლოულებისა, რადთა მოწყალე გუეექმნეს ჩუენ ღმერთი კეთილად დგომისათჳს სახიერებითა და კაცთმოყუარებითა თჳსითა, და გარეწარაქციოს რისხუად, მარად დღე ჩუენ ზედა მომავალი, და გვკსნეს ჩუენ სამართლად ჩუენ ზედა მოწევნულისა რისხვსაგან, და შეგვწყალონეს ჩუენ.

გუნდი: უფალო, შეგვწყალონ (12-გ ზის).

მღდელომან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგვწყალონ ჩუენ, რამეთუ მოწყალე და კაცთმოყვარე ღმერთი ხარ და შენდა დიდებასა აღვაგლონთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჰ, ჩუენის ცხორებისათჳს განხორციელებულისა სიტყჳსა ღმრთისა წინამორბედო და ნათლისმცემლო იოანე, ცოდვილთა სინანულად მომწოდებლო, იადონო ჳმა შუენიერო და გვრიტო უდაბნოდსა მოყუარეო, წინაღწარმეტყველო, მღდელო-მოდღუარო და მარტჳლო, ჯოჯოხეთს შეწყვედეულთა გამოჳსნისა და აღმოყვანებისა მახარებლო და ყოველთა მვედრებელთა შენთა მსწრაფლ-შემწეო და შესავედრებლო!

ჰ, ყოველთა დედათა ნაშობთა უზესთაესო წინაღწარმეტყუელო და მოციქულო, ქრისტჳს ქადაგო იოანე, ნათლისმცემლო და წინამორბედო მადლისაო, მოგეკუეთა რად წმიდად თავი შენი, წმიდისა სამებისა წინაშე მიწევნული თანაზიარ-იქმენ დიდებასა და სუფევასა მას შენ მიერ ნათელღებულისა ქრისტჳსსა, და მოცემულ არს შენდა მეოხებად ყოველთა ბრალეულთად, ვითარ ჯერ-არს შენდა შრომათა შენთათჳს, რომლისათჳსცა შეგივრდები, დელვაგუემული ესე, და შენ წინაშე აღვიარებ ბრალთა ჩემთა, რამეთუ არა მიტევებენ მწიკულევანნი გულისსიტყუანი და მიახლებულ ვარ დანთქმად სიღრმესა შინა ცოდვათა ჩემთასა, და არა არს ჩემთანა საქმეთაგანი კეთილთად, არამედ წარმიძელუ გზასა სინანულისასა და განდგომილი ესე და ისრითა ვნებათადთა ფრიად მოწყლული შემავედრე ღმერთსა, რადთა განანათლოს გონებად ჩემი, დაბნელებული ზაკვთა მტერისადთა და განწმიდნეს გული და საცნობელნი ჩემნი მოფენითა მადლისა შენისადთა, აღმავსოს მღვიძარებითა საღმრთოდთა და მომანიჳოს სარწმუნოებად შეურყეველი, ცხორებისა სიწმიდჳ და შიში ღმრთისად. ევედრე, შენ მიერ ქადაგებულსა ტკბილსა იესუს, რადთა შეგვინდოს განდგომილებანი, ეკლესიათა ნგრევა-შეგინებანი, ღმრთისმსახურთა მკვლელობანი, ღალატი, შური და უწყესობანი, საშოსა შინა ჩვილთა ჩუენთა კვლანი და სხვანიცა შეცოდებათა ჩუენთა სიმრავლენი. მსახურებასა შინა განადლიერე უწმიდესი და უნეტარესი, სრულიად

საქართველოს კათალიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მთავარეპისკოპოსი, დიდი მეუფე, მამად ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატიოსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი, დაიფარე მოსახელენი და მვედრებელნი შენნი და ყოველნი მართლმადიდებელნი ქრისტეანენი დაიცვენ პატიოსნითა მეოხებითა შენითა.

ჟ, წმიდაო დიდებულო წინადასწარმეტყუელო და წინამორბედო ქრისტესო და ნათლისმცემელო იოანე, წარკვეთითა თავისა შენისადათა წმიდა ჰყავ სივრცე ყოვლისა სოფლისადა, და სჯული ღმრთისადა ასწავე რაა მორწმუნეთა, აწ ქრისტეს საყდართა წინაშე დიდებით მდგომარე მეოხ გვეყავ წინაშე მისსა, რადათა მოჰმადლოს ეკლესიათა დიდებადა, სამღდელოთა პატიოსნებადა, მთავართა კეთილად მწყსადა ერისადა, მწედართა მამაცობადა, ერისაგანთა უცოდველობადა და დედათა კრძალულებადა, ხოლო ჩუენ მოგუანიჭოს საღმრთოდ მოშურნეობადა მამულისადა, სიმართლისა სიყუარული და სულისა მკნეობადა, ქუელის საქმითა განშუენებადა, წმიდითა ლოცვითა განათლებადა, აღსარებითა განწმედადა, ზიარებითა განბრწყინებადა, პატიოსნად მიცუალებადა, სასუფეველსა დამკვდრებადა, ანგელოზთა თანა გალობადა, წმიდათა თანა სუფევადა, და შენ თანა დიდებადა და მადლობადა, რამეთუ მისა ჰშუენის ყოველი დიდებადა, პატივი და თაყუანისცემადა, თანა მამით და სულით წმიდითურთ, აწ და მარადის და უკუნითი უკუნისამდე, ამინ.

მღდელომან: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატოსნესსა ქერობინთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებთ.

მღდელომან: დიდებაჲ შენდა, ღმერთო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგზწყალენ (3-გზის). გუაკურთხენ.

მღდელომან: ჩამოილოცოს

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგზწყალენ (3-გზის),

უფალო, იესუ ქრისტე, მეო ღმრთისაო, ლოცვითა ყოვლადწმიდისა დედისა შენისადათა, პატოსნისა წინადაწარმეტყუელისა, წინამორბედისა და ნათლისმცემელისა იოანესითა, და ყოველთა წმიდათადათა შეგზწყალენ ჩუენ, ამინ.

პატოსნისა ნათლისმცემელისა ხატისა მთხვევნასა ზედა ვჰგალობთ ესრეთ:

წინადაწარმეტყუელო და წინამორბედო ქრისტესო იოანე და ნათლისმცემელო, მეოხებისა და შუამდგომელობისა ჩუენისათჳს ევედრე შენ მიერ ნათელღებულსა უფალსა ჩუენსა იესუ ქრისტესა, ვითარცა სიყუარულისათჳს ჩუენისა საუკუნოდსა ჯოჯოხეთითგან გამოგვცნა თჳსისა უკვდავის სისხლისა დათხევითა, ეგრეთცა გამოიგნას ივერიაჲ გარე მოდგომილთა ურიცხუთა მტერთა და განსაცდელთაგან, ხოლო ვითარცა რქუა ცოდვილთა მოუქცეველთათჳს ცულითა მოკვეთაჲ ვითარცა ხისა უნაყოფოსაჲ,

ეგრეთცა მოჰკვეთოს ჩუენგან ცოდვანი და უსჯულოებანი ჩუენნი
ოხითა შენითა, და მშვიდობისა ჳმაჲ გარდამოუვლინოს ივერიელთა,
რადთა დაცულნი და დაფარულნი განსაცდელთაგან საეშმაკოთა,
მარადის ვადიდებდეთ იესოს ღმერთსა ჩუენსა თანა მამით და
სულით წმიდითურთ, აწდა მარადის, და უკუნითი უკუნისამდე
ამინ.

დიდებულო და უხრწნელო დედაო ღმრთისაო, სიმრავლისაგან
ცოდვათა ჩუენთაჲსა არაჲ გუაქუს კადნიერებაჲ, რადთამცა
ვევედრნეთ ღმერთსა, არამედ მეოხ-გვეყავ ჩუენ წინაშე მისსა, რადთა
შეწევნაჲ, და მოწყალებაჲ, და საფარველი თჳსი არა მოგვაკლოს
ოხითა წინაჲსწარმეტყუელისა იოანწსითა, რომელნი მარადის
აღვასრულებთ ჳსენებასა თავისკვეთისა მისისასა და ამბორს უყოფთ
წმიდასა და პატიოსანსა ხატსა მისსა.

შეადგინა თინათინ მჭედლიშვილმა

